

9, et si oferse etc., et avisa aver da Constantinopoli, l'arma' dil Turco, di vele 140, zoè 50 sotil, 40 basterde, il resto fuste e palandarie, era in hordine, qual usseria per venir in Levante et partirà a mezzo Mazo. *Item*, scrive di l'altra armata dil Turco, che passò per quelli canali di Rodi, e l'armata di la Religion li fo a l'incontro ma non li potè far danno per non aver la soa potuto montar a vento; la dita armada turca era vele 36 etc., et le do galie venetiane parti di Rodi per Cypro arà dito etc.

126\* *Di Damasco, di sier Andrea Arimondo qu. sier Alvise consolo, di 22 Marzo.* Come era zonto de li, come per sue scrisse, la nova di l'intrar dil Signor turcho nel Cayro, portata per gambeli coradori; la qual nova però prima zorni 4 l'ebeno per via di Bene Ames macademo, auta da soi exploratori, e il soldan Tomobei esser fuzito verso il Sayto con bon numero di mamaluchi etc. Scrive è zorni 55 da poi che nulla si à auto. *Item*, de le strade è rote; lui Consolo ha mandato messi per saper, i quali non hanno potuto passar, *imo*, essendo stà mandati alcuni messi per marchadanti mori a Gazara per saper qualche nova, sono ritornati con dir non pono passar, et esser stà Gazara per turchi brusata e sachizata. *Item*, scrive, zereha il mandar di le galie future, si mandi a la muda di Octubrio, e che fin hora non era stà contratà nulla; e il retenir è stà fato in Cypro di le presente galie, è stà di danno a la nazione, la qual è in reputazion de li, e si lauda di la bona compagnia l'ha al presente. Conclude, facendosi la muda di Otubrio, si trarà le facultà di nostri di quel paese. *Item*, zonse a Baruto la nave Bernarda con orzi cargati in Cypro e con quel orator dil Signor turcho fo a quel rezimento, il qual è restà ben edificato di dito rezimento. Lui Consolo à scritto al viceconsolo a Baruto li fazi honor et bona compagnia. *Item*, scrive, da quell'signor chadì e de li à ogni bona dimostration di amicitia, e dimostra grande amor verso nostri.

Fo leto la *letera di Brexa a sier Francesco di Garzoni consier, di 5*, notada di sopra, et una di sier Lorenzo Orio dottor avogador extraordinario, di 3, drizata a sier Francesco da Pezaro savio a terra ferma, et una di sier Marco Foscolo avogador extraordinario di 3, drizata a sier Andrea Foscolo suo cugnato. Et li scrive parli di questo a sier Alvise da Molin procurator et sier Andrea Gritti procurator, savii dil Consejo. In consonantia si confermano di la mala contenteza di brexani per li capitoli, et chiamano il suo Consejo, e fo usà di stranie parole, dolendosi questo non è il

loro merito, e voleano dar licentia a li soi Oratori venisseno via senza tuor ditti capitoli; et loro Avogadori fono in Consejo, zerehono acquietar le cosse. È di gran importantia Brexa, è un regno; saria da tenirli ben edificati.

Fu posto, per li Consieri, Cai di XL e Savii, poi 127 leto una suplication di sier Vicenzo Bolani qu. sier Francesco qu. sier Domenego, dimonstra esser ruinato in questa guerra, aver pagato assa' e non scosso li soi pro' a la camera, perso le intrade di possession di Este, e debitor per piezaria di certo dacio di Antonio di Manfredi; però dimandà sia suspeso per anni do proximi, et cussì messeno e fu preso. Ave nulla non sincere, 20 di no, 160 di la parte.

Fu posto, per li Consieri, havendo compito li exatori a le Raxon nuove, siano electi do altri per 4 man di election a la banca, entrino a di primo Octubrio e stagino anni do. *Item*, si fazi uno exator a li tre Savii sora il regno di Cypri; et *tamen* dita parte non fu mandata.

Fu posto poi, per li Savii, risposta a li capitoli di la comunità di Verona, *videlicet* prima lecti sono numero 5. Per il primo dimandano la confirmation di statuti, privilegii, indulti etc., e di la caxa di merchadanti, come prima erano avanti la guerra; e a questo se li riponde semo contenti. *Item*, ridur tutti li membri era a la città, come prima avanti la infeliceissima zornata dil perder di Verona, e a questo se li risponde semo contenti, excepto il capitolo dil Lago e il vicario d' Illazi, qual è stà dati per il Consejo di X; et zereha Legnago è do opinion di Savii, come dirò di soto. *Item*, voriano fusse levà certe suspension d'intrade in gardisana e altrove di veronesi, e se li risponde semo contenti farlo; et cussì è stà ordinato. *Item*, dimandano exemption per qualche anno, over quella terra e territorio, atento li danni patiti, manco angarizarla, se li risponde si vederà in ogni tempo non li dar più cargo di quello potranno, havendo rispetto a li danni patiti. Et cussì, zereha Lignago, dove è la differentia, sier Domenego Trivixan procurator, sier Alvise da Molin procurator, sier Lunardo Mozenigo procurator, sier Polo Capello el cavalier savii dil Consejo, sier Filippo Bernardo et sier Alvise Gradenigo savii di terra ferma, voleno dirli che di Lignago semo contenti mandi il podestà a dar raxon in civil, ma il eriminal e danni dati volemo sia dil Provedador mandaremo a Lignago, giusta la promission fatoli.

Et a l'incontro, sier Andrea Gritti procurator, sier Lucha Trun savii dil Consejo, sier Nicolò Dolfin, sier Piero Trun, sier Francesco da cha' da Pe-